

Na osnovu člana 59. stav (4) Zakona o naučnoistraživačkom radu („Službene novine Tuzlanskog kantona“ broj: 14/17, 8/21 i 16/22), ministar obrazovanja i nauke Tuzlanskog kantona donosi

## **PRAVILNIK**

### **o izmjenama i dopunama Pravilnika o uslovima i postupku upisa naučnoistraživačkih organizacija u Registar naučnoistraživačkih organizacija**

#### **Član 1.**

U Pravilniku o uslovima i postupku upisa naučnoistraživačkih organizacija u Registar naučnoistraživačkih organizacija („Službene novine Tuzlanskog kantona“, broj: 15/18) u članu 3. stav (1) riječi „, te obezbijedena sredstva za osnivanje i početak rada“ brišu se.

U stavu (2) riječ „provjere“ briše se.

#### **Član 2.**

U članu 3. u stavu (2) tačka b) mijenja se i glasi:

„b) rezultate naučnoistraživačkog rada koji doprinose razvoju nauke/rezultate istraživanja koji doprinose u razvoju novih proizvoda i uređaja, sorti i vrsta, kao i uvođenju novih i poboljšanju postojećih tehnoloških postupaka, sistema i usluga.

Iza stava (2) dodaje se novi stav (3) koji glasi:

„(3) Naučno istraživački institut u oblasti društvenih i humanističkih nauka pored uslova utvrđenih u stavu (1) i stavu (2) tačke a), b), d) i e) ovog člana, prilikom upisa u Registar mora da ima u radnom odnosu sa punim radnim vremenom najmanje dva naučna radnika, kompetentnih za oblast kojom se institut bavi, od kojih najmanje jednog istraživača u naučnom zvanju.“

Dostadašnji stav (3) postaje stav (4).

#### **Član 3.**

U članu 4. stav (3) mijenja se i glasi:

„(3) Uz zahtjev se prilaže sljedeća dokumentacija:

- akt o osnivanju,
- odluka o imenovanju lica ovlaštenog za zastupanje i predstavljanje naučnoistraživačke organizacije,
- statut,
- program naučnoistraživačkog/istraživačko razvojnog rada,
- izvještaj o rezultatima naučnoistraživačkog rada koji doprinose razvoju nauke/rezultate istraživanja koji doprinose u razvoju novih proizvoda i uređaja, sorti i vrsta, kao i uvođenju novih i poboljšanju postojećih tehnoloških postupaka, sistema i usluga.
- dokaz da naučnoistraživačka organizacija u radnom odnosu sa punim radnim vremenom ima potreban broj naučnih radnika u skladu sa članom 3. stav (2) tačka c), odnosno stav (3) ovog pravilnika.
- program razvoja naučnoistraživačkog podmlatka (za naučnoistraživačke institute),
- dokaz o izvršenoj uplati troškova provođenja postupka utvrđivanja ispunjenosti uslova za upis u iznosu od 600 KM (šeststotinakonvertibilnih maraka),
- rješenje o upisu u sudski ili drugi registar,
- porezni broj.

#### **Član 4.**

U članu 5. iza stava (5) dodaje se novi stav (6) koji glasi:

„(6) Ispunjavanje uslova za upis u Registar utvrđenih članom 3. stav (2) tačka e) i f) komisija utvrđuje neposrednim uvidom prilikom posjete naučnoistraživačkoj organizaciji po čijem zahtjevu za upis u Registar postupa.“

#### **Član 5.**

U članu 6. stav (3) mijenja se i glasi:

(3) Komisiju čine dva predstavnika ministarstva i jedan predstavnik Kantonalnog savjeta kojeg za svaki postupak upisa delegira Kantonalni savjet iz reda svojih članova.

## **Član 6.**

U članu 9. stav (3) briše se.

## **Član 7.**

### **(Započeti postupci)**

Svi postupci upisa započeti prije stupanja na snagu ovog pravilnika, okončat će se u skladu sa odredbama ovog pravilnika.

## **Član 8.**

### **(Stupanje na snagu)**

Ovaj pravilnik stupa na snagu danom donošenja i bit će objavljen u „Službenim novinama Tuzlanskog kantona“.

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**Ministarstvo obrazovanja i nauke**  
**Broj: 10/1-35-025224/22**  
**Tuzla, 30.09.2022. godine**

**MINISTAR**  
**dr.sci. Ahmed Omerović,s.r.**

\_\_\_\_\_  
(Naziv naučnoistraživačke organizacije)

Broj: \_\_\_\_\_

**Ministarstvo obrazovanja i nauke Tuzlanskog kantona**

**PREDMET:** Zahtjev za upis naučnoistraživačke organizacije u Registar naučnoistraživačkih organizacija

Shodno odredbama člana 4. Pravilnika o uslovima i postupku upisa naučnoistraživačkih organizacija u Registar naučnoistraživačkih organizacija („Službene novine Tuzlanskog kantona“, broj: \_\_\_\_\_ u daljem tekstu: Pravilnik), molimo vas da \_\_\_\_\_ upišete u Registar naučnoistraživačkih organizacija. (naziv naučnoistraživačke organizacije)

**PRILOG:**

- akt o osnivanju,
- odluka o imenovanju lica ovlaštenog za zastupanje i predstavljanje naučnoistraživačke organizacije,
- statut,
- program naučnoistraživačkog/istraživačko razvojnog rada,
- izvještaj o rezultatima naučnoistraživačkog rada koji doprinose razvoju nauke/rezultate istraživanja koji doprinose u razvoju novih proizvoda i uređaja, sorti i vrsta, kao i uvođenju novih i poboljšanju postojećih tehnoloških postupaka, sistema i usluga.
- dokaz da naučnoistraživačka organizacija u radnom odnosu sa punim radnim vremenom ima potreban broj naučnih radnika u skladu sa članom 3. stav (2) tačka c), odnosno stav (3) ovog pravilnika.
- program razvoja naučnoistraživačkog podmlatka (za naučnoistraživačke institute),
- dokaz o izvršenoj uplati troškova provođenja postupka utvrđivanja ispunjenosti uslova za upis u iznosu od 600 KM (šeststotina konvertibilnih maraka),
- rješenje o upisu u sudski ili drugi registar,
- porezni broj.

U \_\_\_\_\_, \_\_\_\_\_ 20\_\_\_\_. godine

\_\_\_\_\_  
(podnosilac zahtjeva)

